



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XLIII. Requisita ad justitiam belli.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

distantia non admodum magna sit inter vanè se occidere, & vanè se evidenti periculo occisionis ultro exponere.

⁴²⁰ Videant proinde Reipublicæ Rectores, quā grandis culpæ rei sint, si detestabiles, imò diabolicum duellorum usum non impediunt, cùm possint, duellantes, velut infames ab honoribus removendo, bona ipsorum confiscando, aliasque poenas contra duellantates statutas rigorosè exequendo; duella verò recusantes honoribus præmiando.

⁴²¹ Videant juniores nonnulli Casuistæ, quā inanis sit ratiocinatio, quā permittunt, ut provocati ad duellum, horā condicā ad locum certaminis se conferant, non animo duellandi, sed se defendant contra provocantē, si ab ipso invadantur; ne famam viri strenui, quæ nobilibus æquè chara est ac vita ipsa, amittant. Neque enim ad locum destinatum, horā condicā, ad conservandam strenui viri notam, comparere posunt sine lethali peccato, excommunicatioisque incursione: cùm eo ipso duellum acceptare censeantur, quo se horā condicā ad locum illum conferunt, eoque ipso evidenti se pericolo occisionis exponant ad conservandam famam strenui viri, quæ profecto est ipsissima vanissima, insanissimaque gloria, de qua ante; pro qua vitam evidenti periculo exponere, est amoris ordinem graviter perturbare. Quid enim aliud ex illa comparitione expectandum est, nisi quod is qui provocavit, in duelandi voluntate persistens, ipsum ad gladium eximendum, sive ad gladiandum provocatus sit? Si ergo cum tanto periculo comparere licitum esset ad conservandam viri strenui famam, duellum acceptare liceret, eundem ob finem; vel si hoc non liceat, nec illud.

CAPUT XLIII.

Requisita ad iustitiam belli.

⁴²² **B**Ellum, certis conditionibus vescitum, etiam in lege nova esse licitum, contra Manichæos, & Erasnum, contra Lutherum etiam (qui voluit illicitum bellare contra Turcas) fide certum est ex Genes. 14. ubi Abraham bellum gessisse legitur, & victor redux à Melchizedech fusse benedictus. Necnon ex illis Scripturæ locis, in quibus Deus Iraëlis iussit bellare adversus Canaanos, Amalecitas, Madian, &c. In nova etiam lege Joannes Luc. 3. rogatus à militibus, quid iphis faciendum esset ad salutem, respondit: *Neminem concuratis, neque calumniam faciatis, & esto contenti stipendiis vestris. Quibus vero proprium stipendium sufficere debere præcepit, militare non prohibuit*, ait Augustinus ad eum locum.

⁴²³ Ad hoc autem ut bellum licitum sit & iustum, tria requirit S. Thomas q. 40. a. 1. Primo, ut publicâ fiat autoritate Princi-

pis, cuius mandato bellum est agendum. Non enim pertinet ad personam privatam bellum movere: quia jus suum in judicio superiori potest prosequi; nec ad personas privatas pertinet convocare multititudinem, seu exercitum congregare, sed ad Principem, cui commissa est cura Reipublicæ, defensioque jurium ipsius, ac subditorum suorum. Et sicut ad eos pertinet subditos suos adversus perturbatores interiores, seu malefactores tueri gladio materiali, juxta illud Rom. 13. *Non sine causa gladium portat: minister enim Dei est, vindex in iram ei qui male facit; ita & Rempublicam, membraque illius tueri adversus exteriores hostes gladio belli. Propterea namque Principibus Psalm. 80. dicitur: Eripe pauperem, & egenum de manu peccatoris liberare. Unde Augustinus dicit lib. 22. contra Faustum c. 75. Ordo naturalis mortalium paci accommodans, hoc poscit, ut suscipiendo belli authoritas atque consilium penes Principes sit.*

Secundō, requiri causam justam, ut sci-⁴²⁴ licet illi qui impugnantur, propter aliquam culpam, impugnationem mereantur. Unde Augustinus dicit in lib. 83. qq. q. 10. *Justa bella solent definiri, quæ ulciscuntur injurias, si gens vel civitas plectenda est, que vel vindicare neglexerit, quid a suis improbè factum est, vel reddere quod per injuriam ablatum est.*

Tertiō, requirit intentionem bellantium rectam, quā scilicet intenditur, vel ut bonum promoveatur, vel malum vitetur. Unde Augustinus in lib. de verb. Dom. *Apud veros Dei cultores, vel illa bella peccata non sunt, quæ non cupiditate, aut crudelitate, sed pacis studio geruntur, ut mali cōrceantur, & boni subleventur.*

Potest autem contingere, quodd licet sit ⁴²⁵ legitima authoritas indicentis bellum, & causa justa, nihilominus propter pravam intentionem bellum redditum illicitum. Dicit enim Augustinus in lib. 22. contra Faustum c. 74. *Nocendi cupiditas, ulciscendi crudelitas, implacatus atque implacabilis animus, feritas rebellandi, libido dominandi, & squalus sum similia, hæc sunt quæ in bellis jure culpantur. Haec tenet S. Thomas.*

Ad rectam porrò bellandi intentionem, causamque belli justam, ante oculos esse debet doctrina tom. 1. tradita de ordine amoris, juxta quam Princeps, bellum inferre cogitans pensare debet 1^o. hinc commoda belli, inde commoda pacis, ac vide re utra pensatis omnibus præponderent 2^o. hinc incomoda belli, quod inferre vult, inde incomoda injuriæ, quam vult bellando propulsare; illique pensatis, similiter videre utra præponderent, non solum habitatione ratione humanarum utilitatum, sed & maximè honoris Dei, Religionis & Ecclesiæ. *Quarite enim primum regnum Dei, & iustitiam ejus*, dicit Dominus. Si ergo ma-

Tom. II.

Oo 2

jora sint incommoda, quām commoda belli & pacis, per ordinem ad honorem Dei, bonumque Religionis, & Ecclesiae; certam est pacem bello, praeligendam, secundūm ordinem amoris: utpote secundūm quem esse oportet talem amoris & electionis ordinem, qualis est ordo rerum quod praestantiam: In ordine vero rerum certum est, honorem Dei, bonumque Religionis & Ecclesiae (utpote praestantius) bono Statū politici praeferendum esse.

428 Propterea S. Thomas a. 2. ad 2. angelicè dicit, quod *bella carnalia in populo fideli sunt referenda, sicut ad finem, ad bonum spirituale divinum*: hoc est dicere, quod Reges ac Principes, sicut in omnibus, tam publicis, quām privatis actibus suis; ita maximē in bellis gerendis, primam divini honoris rationem habere debeant, eumque tamquam finem respicere; non uno, sed pluribus titulis; quatenus scilicet ad Deum se habent tamquam servi ac vasalli ad dominum; tamquam Viceregnes ad Regem regum; tamquam filii ad patrem; tamquam creature ad Creatorem; tamquam redempti ad Redemptorem; tamquam beneficiati ad Benefactorem, à cuius solius nutu, & propter cuius solius cultum & obsequium omnem potestatem suam, regnum, & vitam ipsam feudatario jure acceperunt: Non enim est potestas, nisi à Deo. Rom. 13. Et non haberent potestatem ullam, nisi ipsi datum esset, desiper. Joan. 19. Quidquid vero à Deo est, propter Deum esse oportet. Quia universa propter semetipsum operatus est Dominus. Prov. 4. Non enim propter vos ego faciam (ait Dominus) sed propter nomen sanctum meum. Ezech. 36.

429 Agnovit hoc Constantinus Magnus, dum (apud Eusebium, de laudib. Constant.) sicut ait: *Hannibal est principatus, quoniam ad breve tempus est duraturus, summi ipsius Imperatoris regno amplificando servia necesse est.*

430 Agnoverunt ipsi etiam Ethni et Romanorum Imperatores, dum cultui deorum amplificando tot legibus, & Christianorum persecutionibus infudarunt, in eorum cultu felicitatem imperii sui collocantes.

431 Ipsi quoque sanctissimi Pontifices Romanii, Imperatores ipsos hujus officii sui saepius admonuerunt. Unius Leonis Magni ad Leonom Augustum epift. 75: verba referam: *Debes incutianter advertere (Imperator) regiam potestatem tibi non solum ad mundi regemen, sed maximè ad Ecclesiæ præsidium esse collatum.* Sanè non ea lege Reges à Deo constituti sunt, ut ipsi soli cum politico Statu suo florent, atque dominentur, sed ne Republica Domini à perduellibus Majestatis ejus oppugnata detrimentum patiatur; ne fides, quā ipse Dominus dominorum à subditis cognoscitur, & Religio, quā collit

tur, & in animis hominum, velut in propria sede regni sui, dominatur, per infidelium & haereticorum conatus pereat, vel detrimentum patiatur.

Videant proinde Reges ac Principes, quād grandi se crimen implicant, dum bella inferunt, vel fovent, in Ecclesiæ stragem; vel sua haereticis arma jungunt, adversus Catholicum Regem suum rebellantibus, vel provincias, aut civitates Catholicas oppugnantibus, Catholicæque Religionis exercitium ab expugnatis civitatibus ac provinciis exterminantibus. Neque enim tanti malī causa sunt per accidens dumtaxat, ac præter intentionem: quia licet hoc expreſſe non intendant, intendunt indirecte, dum sine causa tantis malis præponderante, vel illa compensante, divini honoris, Catholicæque Religionis bonum, Statū politici bono postponentes, per milites suos muros Catholicæ civitatis defensores occidunt, moenia deiciunt, portas aperiunt, haereticos introducunt, ac per hæc in cauſa sunt, quod haereticorum rabie ac furori Antiftites, Sacerdotes, Religiosi, virgines, Pastores plebis, ipſe denique Christus in augustinissimo suo Sacramento, sacraque Templi ipsius, imagines, Sacrificium, Sacraenta, cultus divinus, & Catholica fides exponantur; eliminataque Religione Romano-Catholicæ, Lutherana, & Calviniana pseudoreligio stabilitur. Ita mala à supradictis Catholicis Principibus, saltē indirecte intendi, ex eo videtur manifestum, quod corrum per se causa sint, non per accidens dumtaxat. Tam enim per se cauſa sunt invasionis, quā haereticī invadunt Corpus Christi verum & mysticum, quām illi per se cauſa sint occisionis innocentis, in cubiculo suo latitantis, qui fores ipsius effringunt, & in istud cubiculum sicarium armatum immittunt, à quo innocens occiditur.

Monendi sunt etiam Reges ac Principes, à se gravissimè amoris ordinem perverti, dum bellum movent allaturum mala, secundūm Christianam aestimationem longè atrociora iis, qui belle ornissi sequentur. Neque enim tunc excusabiles sunt per principium istud, à plerisque Casuistis male intellectum: *Quando una eademque causa plures habet effectus, unum bonum, alterum malum, licetum est eam posere, intendendo effectum bonum, scilicet permisivi habendo circa malum.* Neque enim principium istud verum est, sed falsum, ordinatoque amori contrarium, dum ex una parte effectus malus tam certò & per se, sive ut in pluribus sequitur, quām bonus; ex alia vero parte bonitas effectus boni non compensat malitiam effectus mali, sed hæc illi plurimum præponderat, ut demonstratum est tomo 1.